



**Quæstionum Canonicarum, In Quinque Libros
Decretalium, Tomus ...**

In Librum IV. Decretalium, per viginti, & unum Titulos distributum, De Sponsalibus, Et Matrimoniis, eorumque impedimentis, ac dispensationibus,

...

Schlüter, Georg

Augustæ Vindelicorum, 1702

Articulus II. An valeat matrimonium contra interdictum Ecclesiæ, proveniens à censura.

[urn:nbn:de:hbz:466:1-73058](#)

141. Not. 3. quamvis dixerintis validum esse matrimonium initium contra Papale interdictum cum clausula solum generaliter irritante, vel etiam specialiter, sed ex causa merè temporanea; si tamen interdictum sit legitimum, ejus transgressione in delicti peccam tales conjuges ad tempus esse separandos, ex c. 1. b. 1. ibi: *Mandamus, quatenus si est ita, præstatam mulierem, ne mandatum tuum contemptibile videatur, ad dominum matris redire compellas, & imposita sibi de tanto excessu penitentia condigna, postquam in domo matris per mensam festerit, ad tertium reverti permittas. Nec obstat c. 2. eod. tit. ubi id matrimonium minime separandum esse decernitur.* Nam intelligitur de perpetua separatione. Atque ita docet gl. c. *Tua Fraternitas. Verb. Poteris, de sponsa duorum: ubi: adverte, mensem, qui assignatur pro tempore separationis, non ponи nisi exempli causā, ut innuat, tempus illud esse arbitratum; non autem ad restringendam Judicis potestatem. In eo autem separationis tempore Reo abstinentium erit à petitione debiti; non autem à redditione, si alter non Reus, sed innocens petat, nī ambo essent rei delicti. Huic tamen penae locus non esset, ubi foret periculum incontinentiae, consequenter illi subroganda foret penitentia alia, ut cum pluribus docet Sanchez cit. l. 7. d. 3. a. n. 14.*

ARTICULUS II.

An valeat matrimonium contra interdictum Ecclesie, proveniens à censura.

142. In hac quæstione in dubitationem venit interdictum Ecclesie ratione censuratum, è quibus sunt *interdictum & excommunicationis*. Illud, in quantum supponit pro censura Ecclesiastica, est pena Ecclesiastica, quā quis à perceptione *quorundam* Sacramentorum, à divinis officijs, & Ecclesiastica sepultura separatur, ut docet Suarez d. 32. de Cenfur. S. 1. n. 3. Excommunicationis autem privat usū aetivo & passivo sacramentorum, communicatione cum alijs fidelibus, & alijs Ecclesie bonis atque fructibus, de quo ex professō agimus lib. 5. tit. 39. his positis.

Quæstio est: an valeat matrimonium in-

lido contrahant sponsalia, & matrimonia? q. affirmative, quia talis actus nullo jure irritante prohibitus est excommunicato vel excommunicatione majore, vel minore; sed præcisè prohibente. Et ideo excommunicatus potest contrahere, intellige, valide, per Mascardum de Probat. concl. 705. n. 13. Emman. Roderic. in Summac. 82. n. 14. & contratus factos cum excommunicato, validos esse, teat Covar. in c. Alma p. 1. Q. 1. a. n. 9. Fillicius tr. 12. de cenfur. c. 9. n. 201. apud Barbos. loco cit. Accedit, quod Innocentius III. in c. Significasti 6. de eo, qui duxit, legitimum pronuntiaverit matrimonium a civi Spoleto, in excommunicatione initum, qui merestri-

ccm,

cem, cui vivente uxore adhæserat, uxore mortuā sibi desponsavit, si neuter corum in mortem uxoris machinatus est, nec ea vivente sibi fidem dederunt de matrimonio contrahendo. Nam cū P. Civis Spoletoanus quandam mulierem legitimè duxisset uxorem, ac eā relicta cuidam mētrici adhæsisset, nec ab ejus contubernio ad thorum legitimū posset revocari, latrāque in eum excommunicationis sententia; & cognitā sua uxoris morte dictam

meretricem despōnsasset, dubitante de valore hujus desponsationis Episcopo Spoletoano, Innocentius III. respondit: quod, nisi alter eorum in mortem uxoris defunctor fuerit machinatus, vel ea vivente, sibi fidem dederit de matrimonio contrahendo, legitimū judices matrimonium supradictum, excommunicato munus absolutionis (Se petierit) juxta formam Ecclesie impensurus.

QUÆSTIO XVII.

In Tit. XVII. Qui filij sint legitimi?

I345. Postquam in superioribus actum est de matrimonio, & impedimentis eorum; hoc titulo congruè agitur de filiis, seu natis in vel extra matrimonium, ut constituantur regula, qui filii sint, vel non sint, censendi legitimi? Cū ab hoc pendeant complures utriusque juris effectus, ut constabit ex dicendis. Supponendum autem, nomen *filiorum* h̄c sumi pro his, qui ex nobis geniti sunt five mares sunt, five feminæ. Hinc in præsenti non veniunt iij, qui dicuntur filii *legitimi tantum*, qui scilicet *non natura sed lege filii sunt*, ut adoptivi; ad quorum distinctionem alij qui natura tales sunt, dicuntur *naturales*, & *legitimi*, *vel illegitimi*, de quibus in sequentibus.

ARTICULUS I.

Qui filij dicantur legitimi, vel illegitimi?

I346. Filij & filia, natura tales, dividuntur in *legitimos* & *illegitimos*; *legitimi in genere* dicuntur, qui vel ex iustis nuptijs procreati suar, vel postea legitimantur, ac juris fictione ex iustis nuptijs procreati censentur in ordine ad juris effectus: *illegitimi* vero in genere illi sunt, qui neutrō modo se habent: *illegitimi*, subdividuntur in *naturales*, & *spurios*. Ubi notandum, hanc divisionem alium sensum habere in *jure civili*, alium *jure canonico*. Jure civili *naturales* sunt, qui nati sunt ex concubina domi retenta, non autem vulgo, seu meretrice vagi, qui autem nec ex matrimonio legitimo, nec extra hoc ex concubina domi retenta, sed vulgo nati sunt, eodem jure civili *spuri* appellantur:

jure autem Canonico *naturales* dicuntur omnes, qui nati sunt ex parentibus, inter quos tempore conceptionis, vel saltē nativitatis, matrimonium legitimū confitentes potuisse; *spuri* autem illi soli, qui nati sunt ex parentibus, inter quos tempore conceptionis, nec nativitatis legitimū stare matrimonium potuisse. His accedit aliud discrimen, inter *jus Canonicum*, & *civile*. 1. quod juxta illud etiam ij legitimi censeantur, qui nati sunt ex nuptijs, seu matrimonio re ipsa irratio propter impedimentum dirimens, & occultum, sed tamen bonā fide parentum, in facie Ecclesiæ, publice, & sine contradictione, contrafacto, ut colliguntur ex *Ex Tenore. b. r. & infra pluribus expomus*. 2. quod concubinatus (de quo prius) jure civili permisus dicatur, non hoc sensu, quod approparetur, sed solum non punitur.

Ad rectam dictorum intelligentiam not. 1. eos qui nati sunt ex iustis nuptijs jure canonico reputari legitimos, etiā nuptiæ non sint *justa jure*, sed *tantum patavitives*, propter bonam fidem parentum, ut monuimus num. priori, & hos ab Authoribus, & Canonistis, vocari *legitimos*, & *naturales*. 1. ad distinctionem à *legitimis tantum*, & *illegitimorum*. Nam *illegitimi*, quos diximus jure Canonico vocari *naturales*, à compluribus naturales quidem vocantur, sed cum addito, *naturales tantum*, ut distinguantur à *spuriis*, qui ab ijsdem vocantur *non naturales*, nimis tales, qui procreati sunt à parentibus legitimī inter se matrimonij, nec tempore conceptæ, nec natæ prolis, capacibus, de quo videri potest Laym. l. 5. tr. 10. p. 3. 6. 5. Not. 2.